



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

LXXXIII. Johann und Sigismund, Gebrüder von Schlabberndorf, huldigen von Neuem dem Kurfürsten Friedrich und seinem Sohne Johann, am 1. Jan. 1428.

[urn:nbn:de:hbz:466:1-54581](https://nbn-resolving.org/urn:nbn:de:hbz:466:1-54581)

parns tode ierlichen, die weile sie lebet, Inn haben, nuzen, niezen vnd nach iren besten gebrauchen, so als leipgedings recht vnd gewonheit ist, vngehindert für vns, vnser erben vnd allermeniglichen, doch vns vnzern erben vnd nachkommen an vnfern vnd sunst einen yeczlichen an seinen gerechtigkeiten vnschedlichen, on geuerde, vnd geben ir des czu einen Inwyfzer vnzern lieben getrewen hannsen Benczstorff. Czu vrkund mit vnzsin anhangenden Insigel uersigelt vnd geben czu Tangermunde, am nehsten Mantag nach Sant Andreas tag, des heiligen czwelff boten, nach cristi vnfers herren geburt vierczehenhundert Jare vnd darnach in den Sibenvndzweinczigsten Jaren.

R. ortel von zemyn.

Nach dem Kurrät. Lehn-Copialbuche XVI, 22.

LXXXII. Markgraf Johann beurfundet, das er die von Schlabberndorff wieder zu Gnaden aufgenommen habe, am 31. Dez. 1427.

Wir Johans, von gotes gnaden Marggraff zu Brandenburg vnd Burggraue zcu Nuremberg, Bekennen offentlighen mit diesem briefe das wir vns mit hannsen vnd Sygmund, gebroedern die Slaberndurffer genant, vmb alle vberfarung, bruch vnd sach, die sie denn wider vns die vnfern vnd vnser lande getan gutlichen uerricht, geeinet vnd in solich sach vnd uberfarung zu geben vnd vnser huld vnd gnad wider geben haben: hirvmb wir allen den vnfern den dieser briefe fürkomet ernstlichen gebieten, das sich nymant an den obgnanten Slaberndurfften vmb sachen willen, die sich in dem obgeschriebenen laufften uerlauffen haben, in kein weisz uergriffe oder mit freuel nach ja stelle, als verre sie alle vnd ein yeczlicher besunder vnser swer vngnad vermeiden wolle, mit vnserm aufgedruckten insigel uersigelt vnd geben zu Berlin, am heiligen newn jars abend anno domini etc. vicesimo octavo.

Nach dem Copialbuche des Markgrafen Johann fol. 22.

LXXXIII. Johann und Sigismund, Gebrüder von Schlabberndorff, huldigen von Neuem dem Kurfürsten Friedrich und seinem Sohne Johann, am 1. Jan. 1428.

Ich hanns vnd Sigmund gebroeder, die Slaberndurffer gnant, Bekennen offentlighen mit diesem briefe für allermeniglichen, So als wir in der Irleuchten hochgeborn fürsten vnd herren, herrn fridrichs, marggraue zu Brandenburg etc. des heiligen Romischen Reichs Erczcamerer vnd Burggrauen zu Nuremberg, vnd herren Johans, seins Sons, von-ettlicher guter wegen die die Crummen sehen jnn haben uehde vnd vngnaden kommen vnd von solicher guter wegen aufz der marck geriten waren vnd die obgnanten vnser gnedigen herren durch vnser vnd vnser freunde fleissig bete willen vns vmb solich guter So denn die Crumme see jnn haben, vertragen haben, des alles wir iren gnaden fleissiglichen dancken Als haben wir ein solichs vnd auch fünst wider die obgnanten vnser guedigen herren ir lande vnd leute nymmer meer zu thun zum heiligen gesworen vnd bey vnfern eren vnd trëwn gerett vnd gelobt, sweren zum heiligen vnd reden vnd globen das auch bey vnserm eren vnd trëwen in crafft diecz briefs

also das wir, die weile wir leben vns aufz der obgnanten vnser gnedigen herren landen mit wesen nicht czihen noch wider sie ir erben oder die iren in kein weiß thun, Sunder bey in vnd iren landen vnser lebtag bleiben fullen vnd wollen on arg vnd on geuerde. Gewunnen wir auch einigerley sach oder zuspruch zu den obgnanten vnsern gnedigen herren iren landen oder den iren, So fullen vnd wollen wir vns vor die obgnanten vnser gnedigen herren iren Amptleuten an einen freuntlichen recht genugen lassen vnd das ny dert fürder suchen on arg vnd ongeuerd. Das wir alle obgeschribne stücke vnd Artikel stete, ueste vnd vnuerbrochen halten fullen vnd wollen, des zu vrkund vnd warem bekentnuß haben wir obgnanten hans vnd Sygmund für vns vnd vnser erben vnser Inßigel an diesen briefe hengen lassen, der geben ist zu Berlin, am heiligen newen jars tag, nach cristi vnser herren geburt vierzehenhundert jare vnd darnach in dem achtvndzweinczigsten jaren.

Nach dem Copialbuche des Markgrafen Johann fol. 23.

LXXXIV. Markgraf Johann beurfundet, daß er sich mit denen von Schlabberndorf, die gewisse Güter der von Krummensee in Anspruch nahmen und deswegen mit ihm in Fehde gerathen waren, auf gewisse Bedingungen versöhnt habe, am 1. Jan. 1428.

Wir Johans, von gotes gnaden Marggraue zu Brandenburg vnd Burggraff zu Nuremberg, Bekennen offentlighen mit diesem brieff für allermeniglich, So als hanns vnd Sygmund gebruder, die Slaberndürffer genant, non ettlicher guter wege, die die Crummensee jnn haben auf vnsern landen geczogen waren, vns, die vnsern vnd vnser land raublicher vnd veintlicher weiß angegriffen vnd wir ja nu vnser gnad vnd hulde von irer vnd irer freund fleißig bete wegen wider geben vnd gülichen mit ja geeinet vnd uertragen haben, Also das wir oder vnser erben den obgnanten hannsen vnd Sigmund gebrudern, für alle sachen vnd zuspruch, die sie zu vns den vnsern landen bisz auf dießen heutigen tag gehabt haben, czweinczig schog geldes, so vns die schirst in vnsern landen der newen marcken zu Brandenburg ueruallen vnd an vns kommen, zu einem rechten manlehen leihen fullen vnd wollen on arg vnd ongeuerd vnd darauff fullen die gnanten hans vnd Sygmund Slaberndürffen alle zusprüch, wie wo von vnd in welcherley mafz sich die bisz auf disen heutigen tag gemacht vnd uerlouffen, die sie zu vns den vnsern oder vnsern landen bisz auf dießen heutigen tag gehabt haben, genczlichen vnd gar für sie vnd ir erben ab thun, solich gefangen die sie in solichen obgeschriben loufften vnd uehden gefangen haben von stund an ledig vnd losz vnd darczu alle briefe solich obgeschriben güter gerechtigkeit vnd gestrunge antreffend von stundan ubergeben vnd keinerley fürderung in zukünftigen czeiten darumb mer thun noch nymant von iren wegen gestaten zu thun in kein weiß on arg vnd ongeuerd. Zu vrkund geben wir ja diesen brief mit vnserm anhangenden iußigel uersigelt vnd Geben zu Berlin am heiligen newen jars tag, Nach cristi vnser herren geburt vierzehenhundert jare vnd darnach in den achtvndzweinczigsten jaren.

Nach dem Copialbuche des Markgrafen Johann fol. 23. — Ungenau abgedruckt bei Gersten, p. 185.